

Kinwaati ki Pɔɔ tɛ tsɛɛ li **Filimu-u** **Fiee fi nuun lɛ Kinwaati ki** **Filimu-u kini**

Filimu tɛ nuun wi wu Krai, nuun fi nuun tɛ le tɛ nuun wi wu kintaashɛ ki bɛniin bɛ kimbeenche-ɛ ki Kolosi. Tɛ kɛmi mfwa we bɛ teenyi wu le Onesimu. Mfwa we wulu se tɛ dza letɛ gɛɛn busɛ li Pɔɔ li, li yih yi ncha-a. Pɔɔ se fiiki Onesimu to wi wu Krai.

Kinwaati kini nuun ɛ Pɔɔ tɛ tsɛɛ li Filimu-u le lɛkɛ wu le kaari dzɔɔ Onesimu le ni nindi li wuu si tɛ saa nindi. Pɔɔ se tuumi Onesimu lɛ wuu lɛki le feeki wu li fiee fi tɛ fɛ nkosi le fi wu si nwaani li Krai li.

Bikoo bi biee bi lɛ Kinwaati kini-i

1-3 Mbɛɛchɛ

4-7 Pɔɔ se pia Filimu

8-22 Pɔɔ lɛkɛ le Filimu fi Onesimu

23-25 N'yɛɛshɛ wu kimɛrise

¹ ɛ mi Pɔɔ, mi η'wɛ li ncha-a kifɛ mi η'wɛ wi wu Krai Jiso. ɛ tɛɛ ηwaani wusɛn wu Timoti. Ntsekɔɔ kinwaati kini li wɛ-ɛ, Filimu, nsan yisɛn yi shɛn yi nindi bɛ bee li fiee fimumkpa-an.

² Ntsekɔɔ tɛ li Afia-a dzɛmi yisɛn, bɛ Akipu wu tɛɛ be nuun li fiee fimumkpa-an si bɛniin bɛ dzi-in, mɔɔ li kintaashɛ ki bɛniin bɛ kimbeenche-ɛ bɛ taashi li wɛ-ɛ yih.

³ Nyɔ Baa wusɛn bɛ Taa Jiso Krai doonche bɛn shɛn yi dzeen tuu nyɛ tɛ bɛn mbɛɛngii.

Pɔɔ nyɛ kiyɔɔni li Nyɔ-ɔ kii Filimu

⁴ Filimu, mfi kwi wu nleki li Nyɔ-ɔ, ŋkiimi wε, nyεε tε kiyɔɔni li Nyɔ yεŋ kii wε,

⁵ kife ŋ'wukɔɔ kii shɛŋ yi ɔ gεε li Taa Jiso-o mɔɔ si ɔ kɔŋgisi bɛniin bε nuun bε Nyɔ-ɔ bεchu.

⁶ Nlɛkɔɔ li Nyɔ-ɔ le si ɔ gεε shɛŋ li Jiso-o, bɛŋ bε bɛniin bε Nyɔ-ɔ nuun li fiee fimumkpa-aŋ, fini gii fi fε ɔ mεεshi ɔ kεε bieε bi dzeen bichu bi nuun bi tεbɛŋ bε taashe bε Krai.

⁷ Nɔwaanɛŋ, ŋwaani kɛŋkɔŋgise ki ɔ doonchi fε kεε ŋ'wuki bujɔŋ ŋge shɛŋ yεŋ se yuusi, kife ɔ feti shɛŋ yi bɛniin bε Nyɔ-ɔ dendi.

Pɔɔ lɛkε Filimu kii Onesimu

⁸ Fiee fimu se fieε lu fi ŋ'wɛki le ɔ fε, bee nuun nεε mi ntee butefu bε bunga bu ŋkɛmi si wi wu Krai le ɔ fε.

⁹ Se nuun le, kii kɛŋkɔŋgise, ŋgii nsoon nuun bɔ li wε-ε busonɔ. Mi Pɔɔ mi ŋ'wε wi wu kaan, mi nse ŋ'wε li ncha-a dɛeni nuun kife ε mi ŋwanε Krai Jiso.

¹⁰ Nsunɔɔ bɔ li wε-ε kii ŋwanɛŋ wu Onesimu, wu ntɛ ndzɔ wu li ŋwanɛŋ wu kimbeenche-ε nnuun li yih yi ncha-a fɛni.

¹¹ Nkosi tɛ nuun fiee fi yee li wε-ε, se nuun le dɛeni gbɛŋɔɔ nuun wi li bee bεchu-u.

¹² Nse ntundɔɔ wu lɛjin li wε-ε dɛeni, gbɛŋɔɔ nuun shɛŋ yεŋ.

¹³ Mbee ŋkɔŋgisi ŋge le ŋgεε wu li mi-i lichin le ni bichi lε mi-i fε kintsii ko-o si nnuun li ncha-a fɛni kii nton wu dzeen wu kii Jiso.

¹⁴ Se nuun le, mi nse ŋɛŋɔɔ le nuun ntɛ mfε fiee si fini wε ŋkεε fe nsin kε, kife ŋ'wɛki yε le nime cho chi dzeen chi ɔ feti li mi-i chini nuun kεε ŋkɛndɔɔ wε kε. N'wɛkɔɔ le fi nuun si shɛŋ ya bɛŋ.

¹⁵ Semukε Onesimu tε dza lε wε-ε lii li mfi niin li ni, le ke wu to lijin, nεε wu se ba nε ni nε nuun dududu,

¹⁶ se mεεn yε tuu nuun mfwa kε, wu yaaɔ mfwa. Wε nuun nwaana wu shεn li Krai li, se nuun tε nyɔna li mi-i teege li wε-ε, si nuun wiwon tuu nuun wi wu Taa.

¹⁷ Nεε lε, ɔ nεn le tεε wε baa li fiee fimumkpa-an, ɔ fi wu si bee le ni nuun mi ɔ fi.

¹⁸ E nuun le wu chɔ fiee li wε-ε, kε le kemɔɔ fiɔɔ nεε wu, ɔ gεε li bukoon bwe-en.

¹⁹ Ntsekɔɔ fini nuun bε kwan wεn le, “Mi wu Pɔɔ ngii nsoon.” Ntiitɔɔ ni mbeeche wumu nuun yε lu wu ngii ni ntiiti butefu le ɔ kemɔɔ tε fiɔɔ tε wε kε, kifε ntse wu ɔ kemi dεeni wε kii mi.

²⁰ Bεdεeni nwaanen, fi nεε mi li fiee fini-i kifε tεε wε taashe baa li Taa li. Fεrε lε kii kintaashe ki tεε wε li Krai, yi se dzɔɔn mi.

²¹ Ntsekɔɔ li wε-ε ni, nkii mεnine sin le ɔ gii ɔ ben le ɔ fε fiee fi ntiiti, le ke ɔ feti lɔɔ, ɔ gii ɔ fε ya lε.

²² Li ntawu fe-e, nache kintsii ki ntse-ε li mi-i, kifε mbichɔɔ limfwe nkii le Nyɔ gii yi woo nlekε li Nyɔ-ɔ wunε yi tuumi mi lε be-en.

Ben'yεεshe

²³ Epafra wu tεε wu nuun li ncha-a feni kii nton wu dzeen wu Krai Jiso, yεsɔɔ wε.

²⁴ Mak, Aristaku, Dema mɔɔ Luk bε tεε be nindi li kintaashe-ε, yεeshi baa tε wε.

²⁵ Kinƙɔngise ki Taa Jiso Krai ni ki nuun bε fiana yine.

Sari

Sari: Sari (New Testament+)

copyright © 2024 Wycliffe Bible Translators, Inc.

Language: Sari

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

0b48302f-d71e-5995-a8f4-98013bf8b3d2